



QUÆSTIO MEDICA,  
QUODLIBETARIIS DISPUTATIONIBUS  
MANE DISCUTIENDA  
IN SCHOLIS MEDICORUM

Die Jovis vigesimâ octavâ Januarii

M DCCXII.

M. PHILIPPO HECQUET,  
DOCTORE MEDICO,  
PRÆSIDE.

*An morbi à solidorum tritu?*

I.



OR *oscillum* vitæ. *Oscillatio* elateris exercitium est, *vibrationis* opus, *solidorum* officium. Officium publicum, partibus omnibus commune, singulis proprium: motûs, functionum, sanitatis ipsius instrumentum. Prodigium! mutos esse tam assiduos ictus, villosque sensûs authores verberari continuo, sentire nusquam, obsurdescere semper. Cassa diceret verbera aut irritos ictus; interim meditados ubique, frustraneos nullibi reperies. Sonant equidem, strepuntvè ex *solidorum* collisione ictus, at ex *fluidorum* occurso, silent aut hebescent. Itaque *oscillando* vasa tacent, in feriendis enim mollioribus succis occupantur. Materiem puta summè ductilem, incudi & malleo subjectam, immensè tenuandam. Hæc est sanguinis moles, *oscillationum* ictibus sic comminuenda elongandavè, ut nullibi deplendo vasa, singulorum ubiquè distantias & spatia repleat. Arcanam naturæ industriam! paucilli auxilio sibi sufficit, nec pluribus impar. Fugit enim mentem vasorum mira pullities; conceptum, immanis longitudo; fidem, enormis succorum vaporatio. Igitur, quid inter tantos, exiguis chyli commectus? omnibus tamen satis est. Rationem habes, paribus detritis abundè suppl. t. materiæ

A

*tritius*. Avolant atomi, superficies suppleantur. Pullulantis *oscillationis* fructus est, quæ quos verberat succos enormi fenore reddit; eosdem ut maximè ductiles immensè pandit, tenuat, exporrigit. Memineris suas esse singularum partium *oscillationes*, succorum tenes officinas, quæ veterascentibus & deciduis recentes sufficiant. Hâc arte vegetat corpus; sic decrescendo crescit, durat, senescit. Pullationis ergo materiæ fons est inexhaustus materiæ *tritura*. Id petiret ubertatis, si succorum *analysis* studeret natura, in evolvendis scilicet unis *spiritibus*. Quam enim curta sit talium suppellex expertum, quàm breves inde forent hominum dies, an daretur experiendum? Rationem exigit? exhibet sanguinis ex *destillatione* reditus. Hic tantum est *unciarum* aliquot *spiritum*, &c. residuum nil nisi mortem sapit, *capitis mortui* opprobrio damnatum. Copiosior redit ex *tritura* proventus, hâc enim omnis pars annona est, imò *tritius* arte pars omnis nullis non secretionibus apta venit. Multiformis facta, quæ hic *serum* erat, illic *bilis*; quæ ibi *spiritus* fuit, alibi *lymphæ* futura est; tandem *lymphæ* ubique facta, in *serum* quocunque revertitur. Hos edunt versatiles succos, milliès iterati sanguinis circuitus, vasorum *pressiones*, ictus, *oscillationes*, tot artes liquorum *trituriæ*. Reverà, in *circulando* chymici liquores suas exuunt vires & facies, nec ergò varias inter variorum tubulorum angustias, *diametros*, curvaturas præterfluendo corporis succi, suas retinèbunt. Addubitas? Succorum conditionem facit *tritura*. Hos inter puros ab impuris, à fœcatis eliquatos secernere, fabulari est. Eliquamen, locorum angustiiis & *diametrorum*, *trituriæ* rationi, *secretionis* modo debetur. Purum puta, qui debet tenuatus & volubilis servit naturæ consiliis, quique ductilis maximè factus duci patitur. Fucum fecit *secretionis* vox, hâc purum ab impuro secerni creditum fuit, sed in nomine delirare erat. Demensum est *secretio*; aptum ergò cuique succum partiri, *secernere* est. At itanè tam paucis, tam tenuibus contineretur corporis æconomia! Siccinè *tritu* uno functionum arcana conderentur! Saltem interrogant, quæ sit illa manus quæ *tritius* instrumenta tractet? Quæ regat organa? Quæ moderetur? An enim in agnoscendo Dei digito conquiescendum? An naturam appellasse fatis erit? Nos juvat partium *mechanismus*, functionum concentus & sanitatis author. Hic intelligis concordem partium discordiam, amica dissidia. In quantum enim subigendo succos vincere amant *solida*, in tantum *fluidæ* jugo gaudent, dociles vinci. Vis *æquilibrii* est, quâ librata res æquabiliter nec odiosè pugnant, nec invidiosè, sed amicè luctantur. Pugiles dixeris unanimes, qui nec ambigunt, nec de imperio, sed ex conducto & de amicitia certant. *Tritius* ergò, quæ & vitæ sunt causas scrutari altius desine. Medenti has indigitat *harmonia* ratio, quæ *solidorum* cum *fluidis* est *æquilibrium* & concordia. Moveris exemplo? En sensibus obvium. Vita motus est ad annos; ad hebdomadas est horologii motus. Hunc alit æquabilis *oscilli* jactatio, alterum constants *vibratio* cordis; utrumque *æquilibrium*. Subest illic *solidorum* contractus *elater*, hic adest à *fluidis* *elater solidorum* exercitatus, utrobique *vibratio* æquabilis, ictuum parilis alternatio. Num aliquid *oscillationis tritius*ve rationem propius refert aut melius exprimit? an *ovum*, *ovo* similis? Atqui functiones singulas agit similis verberatus; functiones ergò omnes à *tritu* nasci palam est. Hinc, videre tibi videris *torcular* in cerebro, *Embolus* in corde, in pulmonibus *fiabellum*; cernas in ore *molæ* & *pila*, *prelum* in æsophago, in diaphragmate *pistillum*, *tudiculam* in hepate, in stomacho *calciatorium*. Adeo tuditantes undequaque se produnt corporis partes! Porro *vibrantes* & *agitatorias* intuendò arterias, *tudiculantia* viscera, *quassantes* musculos, membranas *prementes*, *stringentes* fibras; *friabiles* addito & *quassabiles* materies, *agitabiles* & *eliquabiles* succos; horum omnium causâ, expressâ passim recognoscis *torculara*, *tudites*, *malleolos*; quassus, concussus, succussus, frictus, *friationis*, *collisionum* artes; verè *pressoria* vasa, organa *tritius*, *trituriæ* argumenta.

## I I.

**A**T ne hilum de *fermentis*? adeone depredari viscera! siccinè corporis æconomiam depauperari. Posthâc vitæ nihil in tuto, intuta sanitas. Visceribus enim

quid reliquum est? Otiari. Functionibus? Feriari. Appellant ad *ebullitiones*, *effervescentias*, *fermentationes*. Effusita verba! tituli inanes! ludentes umbræ! At, inquirunt, omnium ore *trita erant*. Reverà, *tritus* enim sunt appendices, solidorum saltus, pulsus, *oscillationes*, luctæ. Sed hinc mali labes, mortis naturam & originem malè interpretando, *rotundis quadrata miscuerunt*. Illius sedem in *fluidis*, in *fermentatione* modum, causam in *fermento* quæsierunt. Inde monstrum jam triceps, horrescendo crevit. Qui enim à fabulâ inceperat error, in mendacium adolevit. Principiò finxere *fermentum*, *acidum* deindè definierunt. *Acidum* pro dolor! Inauspicatum nomen! Omen infautum! Calamitosæ pyxidi compar! Quo medicinam semel ingressus, nova arti incubuit malorum cohors. O si nunquam natum! Atqui necdum natum est; sanguis enim, si illæsus, *acido* vacat. Atqui *lympham*, *serum*, *salivam*, *succum pancreaticum* acere volunt? Perperam. Ex his reperies nullum ex *acidi* aspergine delibatum. Rem vis in suffragia mitti? Chymici offerunt, sanguinem enim *distillationi* subiectum, ne micam *acidi* reddere testantur. In reipsâ, quorsum aut cur istuc *acidum*? ut corporis *æconomiam* infestaret? Argumento erunt sanitatis damna, ex *acidorum* usu aut esu oriunda. Acida stomacho tantillum indomita, mille mortis causas moliendo, crucem ægro figunt & medico. Viam autem monstrat natura, quæ semper & ubique mulcendis, *lavigandis*, edulcorandisve succis allaborat. Eapropter tot & tam assidue aquosos, amaros, lentescentes latices hæc illæ in corpore sevit; diluendis haud dubiè, *concentrandis*, *deprimendis*, inviscandis, aut antevertendis acoribus. Multa adhuc, (garriunt enim quodlibet) causæ *fermentorum* adesse prætendunt. At ecuinam vel cadenti causæ desideratur actor? Aliundè, obsunt longè plura, eaque graviora. Obmurmurant ergò de nescio quibus *sulphureis*, *spirituosis* similisque farinæ *particulis*, unde sua *fermenta* cudent. Somnia. De his, an natæ sint, adhuc sub iudice lis est. *Sulphura* nec prodit sanguinis odor, nec sapor. Abest à flammato sanguine *aciditas*, deflagratis tamen *sulphuribus* vulgò superstes. *Spiritus* vanuère, valere iussu. Eodem calculo notatur nervorum latex, quem *nervosum suetum* dicunt. Sed hujus loco sufficiunt, *triti* tenuatique sanguinis vaporosum fumum, quo madentes & insuccati nervorum villi, non secus ac aquæ halitu ebrizæ funis fibrillæ, *elaterem* concipiunt. Nervos enim tubulorum, qui cavi sint, congeries esse nolunt. Contrà ostendunt fasciculos esse villorum solidorum, qui bibuli sint & meabiles. Sic constitutos citharæ fidibus comparant, his enim ut illis *contractiles* esse satis est. Porro pauca hæc alendæ *contractilitati* & intelligendæ sufficere putant. Hæc, an cum *fermentis* conveniant, iudicato. Sed ecce pejora narrat, nec sine auctore, arcanus ruinor. *Glandularum entia* in quæstionem vocantur, illas enim non dari fama est. Heu igitur! Quò illarum munus? Quò *fermentorum* nidificia? At fortassis *nodum in scirpo querere est*. Annuitur, attamen si vera sit nupera glandularum conditio, has, officio vacandi *fermentis*, cadere necesse est. Altera adhuc diluenda venit inusta *fermentis* inofficiosa labes. Ferunt nothos esse pullos, aut spurius factus, vulgò conceptos, qui ne patris quidem sui nomen dicere possunt. Ab evectâ, evolutâve sanguinis portiunculâ nasci vulgaverant, sed hoc ipsum, ortum illorum incertare clamant; primigenia enim *fermenta* retrorsum relegentes, unde ducenda veniat atavorum *fermentorum* materies aut origo fugit, ac obliteratur. *Fermentorum* autem mendacis accedit *fermentationis* impossibilitas. Huic necessaria sunt spatia inania, ampla, tranquilla; sed plena sunt, angusta, motabilia, imò mota indefinenter, *oscillantia* nempe corporis vasa. *Fermenta* contrita vides, pulsa loco, statu dejecta, instrumentis & materie defecta: De *tritu* non item. Hujus instrumenta tam vera sunt quàm necessaria, tam certa quàm manifesta: nota materies, motus evidens, indubitata sedes. *Fluida* intrâ tubulos gracilescentes coarctati palam est. Tubulis fibras & elaterem adesse consentitur. Iterum de *fluidis* fatentur, ea volubilia esse, pelli facilia; imò assidue pelli. At liquorem vibratum continuo, tubulorum *elasticorum* angustis exceptum, validè premi quis non videt? eundem preje-

*tionis*, molis, & impetûs vi, in tubulorum gracilescentium parietes arietantem; pressioni obfistere, nemo negaverit. Duplicis potentia resistencias intellexit? alternationis rationem concludere est. *Potentiarum* inæqualium *resistentia* sunt inæquales; huc autem spectat corporis *fluidorum solidis* obfistentium conditio. Tantò enim *solidorum* vis, alternantem quæ sanguinis est, vincere æstimatur, quantò *unum* superant *mille*. Illorum ergò motus, alternatio sit oportet, lucta, *oscillatio*, *tritura*. Tritura inquam, *tritu* enim perfacilia sunt *fluida* quæ verberantur, quia dividua sunt non minùs quàm aqua. Testatur sanguis, sectilis adeò, ut intra *milenorum* tubulorum capillis quater millies minorum *dianetros* diduci notum sit. Testis *lymphæ* tam dissociabilis, ut vaporando vaneſcat. Porro, sis memor suum esse fibræ tenuioribus elaterem, innatamque minoribus canaliculis *oscillationem*; *tristis* motum; modum, necessitatem, universitatem tenes. Intuere *oscillationum* ordinem, *symmetriam* partium, motuum *rhythmum* & consonantiam, *harmoniam* omnium; sanguinis motûs æqualitatem, itum redituumvè illius constantiam, integritatem *functionum*, sanitatem ipsam intelligis.

### III.

**I**NDIDEM prodeunt morborum causæ; sanitatem enim quam alit rerum corporis concordia, lædit earundem discordia rerum. Quales arboribus sunt visci, tales finxere morborum causas, *entia nova*, partus recentes; *fermenta* dixere artis curiosi. Isthæc erant quibusque hucusque nugabantur, sed artis emolumento nullo aut usu, utinàm abusu nullo! Quales enim causarum fabricas, quales machinationes commoliti! in quibus lusere. Lusus infelices! in *absorbendis* enim acoribus, in castigandis *cacochylis*, in *cacochymis* everrendis, in elucendis sordium saburris, in averruncandis humorum crassamentis otiosè occupati, tempus perdidere; parum est. Operam? minus: morbos torquendo infelicitèr, viscera feliciùs heu! torserunt. Saltem præposterè medicati morbi, in *chronicos*, variabiles, desultorios, insanabiles affectus desiere. Hos errores artificis non artis esse docet *trituræ* dogma. Quas enim in *fluidis* supposuerat *fermentarius* artifex morborum origines, in *solidis* ponit *trituræ* ars. Credi vetat morbos esse humorum *creaturas*, *entia* suspiciosa novas substantias; sed recentes substantiarum *modos*, novas *solidorum* affectiones. Illicò concludes mutatas esse, tumultuosas, festinatas, morantes, inversas, verbo præposteras *oscillationes*, quæ morbis præludunt. Benè, si addideris hinc rumpi *fluidorum* pronitates, niscus, *tendencias*; nasci proinde sanguinis circuitus inordinatos, abnormes excursus; *directiones*, inclinationes, impetus, *determinationes* mutatas, quæ sinceræ morborum causæ sunt. Absit quoque omiseris spissigradum sanguinem, aut tardantes lentescentesvè succos, hos enim repræsentat tenax & coriaceus sanguis, *inflammatoriorum* morborum individuus comes. Iterùm adde *fluidorum* acores, falsedines, acrimonas, &c. morborum partus esse, non parentes; causarum effectus aut assæclas, non causas; morbis enim astant, non præeunt; hos alunt, non incipiunt. *Tritus* ergò errantis effectiones sunt; succos præposterè subigentis; unde mutæ *superficies*, dissociatæ particulae, densatæ, tenuatæ, pinsitæ plus minùs. An enim aliunde odorum, saporum, colorum, similitumvè *modorum* aut *qualitatum* causæ? At morbi causa ipsum *tritum* erratum est; argumento erit morbi insultus. Hic motûs error est, motûs autem progressivi ceu circuituonis. Intestinum *fluidorum* motum iterùm obtrudis? Somnium narras. Corporis *fluida* non se movent; moventur; pelluntur, non fluunt. Porro *solidorum* muneris est impulsio, hæc à *pressione*, à *pressionem* *tritus*. Sanguis ergò modò tumultuariè jaculatus sit exlex; hinc errat, vagatur, festinat, hæret, currit, nutat, cespitat; modò vibratas irruit; hinc insultat, arietat, allidit. Inde minæ; & reverà, non aliunde ægrorum iactationes, anxietates, dolores, tremores, horrores, nervorum subsaltus. Melius, tor offensus nervorum hîc nunezabis; nervi enim sunt partium stamina, qui vellicati, crispati, stimulati, hæc

committunt. Cumulus malis accedet, si tardari semel cæperit sanguinis circuitus. *Coagulantis acidi* fabellam narrari expectas? Luderis, meliora monet *tritura*. Sanguis in majoribus vasis pulsus vehementius, in minoribus hæret. Itane verò sanguinem sisti simul & accelerari? Ità concedes. Auctà sub febre cordis *systole*, quantitas sanguinis pellitur mole, impetu, velocitate major *capillarium diametris*, capacitatibus, & *potentis*. Causa in promptu est; quæ in sanis cordis pulsui super est *solidorum* vis, in ægris fit impar. Quid inde? Succis stagnatæ partes, appellenti à corde sanguini obices ponunt. Sanguis secum certat; nescius progredi, regredi dubius, in vetitum sibi circuitum nitens stat, incertus quâ sit sibi nescit eundum; quid tandem? Stimulatæ *solidorum oscillationes* verberitando ingeminant ictus; in pellendo, premendo, exprimendovè retrogrado sanguine vasa laborant. Insano labore; *resistentis* enim offensa iracundiùs *oscillanti*, tenerariùs ac ordine nullo. Interea, quam ebiberant ingurgitatæ *capillares arteriæ* sanguinis quantitatem fenerantur, integram enim circuitui non reddunt. Igitur hæret non tantummodo, sed verberationibus *oscillationum* suppositus diutius, premitur, tunditur; densatur. Rapidum vides sanguinem in majoribus vasis, in minoribus tardum; inquietum in illis, in his inertem? morborum sedem & rationem assecutus es; ipsa intueris morborum seminia. Turbas inde suborituræ augurare, *solidorum* iras; *fluidorum* impetûs, nifus, excursus, effluxus fortè & succorum eluvies; quid enim aliud exhibent *hemorrhagia*, alvi fluxus, *perirrhae*, sudores, infelicia vasorum molimina? Unà tamen quantumvis fingito acores, falsedines, acrimonias; *vitium* enim capiunt ni moveantur aqua, quid ni stagnantes succos ac desidèis inquinari posse concederetur! Tantùm observaveris, *phlogoses*, *erisypelata*; maculas, tubercula, tumores, *apostasies*, abscedentia, cuneatis succis stragulatissvè, circuitui elabentibus aut suffuratis attribuenda esse. Cæterùm *tritura* dogma minùs moratur inenodabilis febrium rëcursus causa. Singulis, alternis, quadrinis diebus recurrunt? Rationes aperit. Febrem infert sanguis diffìcilè redux. Hic enim alicubi, vel in angulo stagnat? Illa se prodit. Stagnare pergit? Febrem habes *continuam*. Identidem cessât? *Intermittentem*. Alternis diebus? *Tertianam*. Quadrinis? *Quartanam*, &c. Sed undè inquires, alternis, unde quadrinis diebus? Id intervalli *tritui* opus est, quò *oscillationibus* congruenter iteratis, & subactione debità, tardigradum sanguinem attenuando accelerare possit & eliquare. Cæteris enodandis par erit *tritura* doctrina; sed hanc multa paucis proferentem audito. Sub morbis, *fluidorum* non solum, ut ferebat fabula vetus, sed *solidorum* etiam conditioni attendere memento. *Fluidorum* vitia, ut errata minùs, quàm aberrationes habeto. Succorum hæc sunt *qualitates* novæ aut novi *modi*, non succi recentes. Sanguinis acores contemnito nusquam; at sanguinis ab orbità delirantis excursus, impetus, insultus, restagnationes metuitò magis. Quod rei caput est, *liquidis* peccamina ut propria aut ultronea imputes caveto; mutuatitia sunt, *solidis* debita. Fibras igitur concipito *tensas* aut *laxas*, *rigidas* aut *molles*, *torpentes* aut *vellicatas*, *corrugatas* aut *resolutas*; hinc *oscillationes* habebis *citatas* aut *inertes*, *impeditas* aut *liberas*, *pigras* aut *festinatas*, *vidiores* aut *remissas*; verbo, *inordinatas*, *inequales*, *discordes*. Verùm, si ex luto, farina aut cerâ tractatis variè, *fermentorum* vè rudi operâ pinlitis, colore, sapore, formâ, specie variata opificia fingit artifex, quot modis & coloribus versabiles venturi erunt in corpore succi, naturâ manibus tractati, tenuati, *tritii*, subacti?

## I V.

**F**ERMENTIS cantati, fermentationis cantilenam recantant. Tantùm potuit isthæc fascinatio nugacitatis! à functionibus exulari fermenta tolerandum putant; à morbis intolerandum. *Bilefcere* Sanguinem, *resfcere*, *frigescere*, *ardere*, *flammati*, *fervere*; præterita verba: *ebullire*, *fermentari*, *affervescere*; præsentia. Ut enim sancta parùm sacrificia asseruerat Religio vetus, si *sale* deficerentur, sic destitutam *fermentis* Medicinam ut malè sanam abdicat nova *fermentorum* hæresis.



*Fermenti* ergò micam emendicant *fermentarii*, seu *salis* tantillum, quo *Pathologiam* condiant. At condituras horret & officias casta medendi lex, ne vel modico temeranda *fermento*, undè tota corrumperetur. *Azyma* gaudet, sinceritatis amans, timida falsi, studiosa pacis, *fermentationum* ergò turbis & horribus aversa. Re quidem ipsà, *fermentorum* (quæ mala merx) jam satis est; has Medicina ponit exuvias, fæces artis aut *scorias* inutiles; plus nimio fervefacta, *deservefcit*; spumamque hanc omnem tandem *ebulliendo*, despumat. Merito, nam immane dictu, quàm longè latèque defævere cœpit *fermentorum* furor! ægritudinis umbram *fermento* minuere, furto datur. Atqui rideas furoris insani deliramenta! Immerfa adhuc nihilo *fermenta*, titulis ac nominibus cumulant; emersa nempe nondum è Sanguine, *acida*, *alcalia*, *fixa*, *volatilia*, *oleosa*, *salina*, plausu præcoci salutant. Sic umbras venantur ac nomina vocant; isthæc enim subventaneis & inanibus ovis similes partus sunt, irrita, vacua germine, nunquam rumpenda, edenda nunquam. Id nihili produnt, quæ pro morborum *fermentis* militant argumenta, levissima sunt enim vel nulla. Vidisti, quæ functionum erant, causis, sede, spatiis, materie, instrumentis defecta; quæ morborum erunt, evanida comperies. Sub morbo laborat universa corporis æconomia, universas ergò simul partes emoveat necesse est morbi causa. An id potentia, *fluidis*, (quo *fermenta* pertinent) competat expedito. *Fluidorum* (sanguinis potissimum) partes *contiguae* sunt, instabiles proinde earum *directiones*, faciles rumpi. Illarum motus *fluiditatis* erit aut *ebullitionis*; at uterque, esto, altè feratur; latè, exesto. Igitur motum istiusmodi ad distantissima corporis propagari posse, fide caret. Insuper, aquarum undè, per libera spatia ad ultimas fluvii ripas dilatari, obvium est; Contrà, liquores intrà locorum angustias, obliquitates, flexuras, hærent ubique, identidem tardati, ne hilum undantes. Hic autem Sanguinem pingi putes, tubulis obliquis, tortuosis, flexuosis arctatum. Arctatum, inquam, sic enim gracilescendo vasa desinunt, ut capillorum tenuitatem immensè superent. Has inter arctationes, Sanguinem tibi finges undulabundum aut bullantem? inibi tumentes, fluctus intelliges, sursùm prorsùm undantes? lepidum, succlamant, *fermentationis* commentum! quasi bulliundo tumeret Sanguis! Clanculum pugnat, tacitè dissidet, secretò luctatur & clandestinò. Subterfugium; quem intestino motu agi posse negatur, domestico tumultu fervere jubent. Tamen intercedunt, *motus*que *intestini* jura repetunt; Sed negat obvius sanguinis status. *Fluido*, fluidus est minus, aqua enim sibi relicta sponte volvitur, Sanguis vasis egressus, illico stat. Ratio in propatulo est, precariò moveatur, quem murò à *solidis* tenet motum, reddere paratus. At liquorem hinc inde pressum assidue, fibris quasi funibus mancipatum, verè ergastulum, hunc ad *fermentationem* comparatum recognosceis? aliundè, *fermentationis* requisita sunt, locorum facilitas, agilitas partium, motus libertas; ad hæc tam idoneum suadebis Sanguinem undique circumseptum? Quid ergò, rogant, futurum de saporibus *acidis*, *salis*, *sulphuratis*, *alcalinis*, quos prodit morbidus sanguis? Profectò, sensilia hæc *fermentorum* seminia non odorari, stupere est; non intueri, cæcutire. Bona verba. *Fraedines* sunt, putida stagnantium succorum spiramina. Sed spiramentum est *fermentum*, aura levis, aëria minuties. Apagesis, his abstineto nugalibus; quæ è morbido sanguine prodeunt salia, morborum causæ non sunt, sed partus; partus autem posthumi, à morbis relictì, horumvè superstites. His interim, si placet, secundarios, degeneres, aut abortivos morbos tribuito, priorum enim sunt rudera morborum, & ominosa materia-rum superamenta, futurorum responsa malorum. Quantum enim vivacem maximè, totumque à natura vitam dilaudant *phœnicem*, tantumdem tibi dolebit homo totus à natura morbus. Ille è cinere renascens, moriendo resurgit, hic à morbo revalescens, sanescendo remorbescit. Inde videas convalescentis hominis ultima, pejora sæpe prioribus. De fumo enim, (ut aiunt) ad flammam; acutorum morborum *Charybdi* emerfus, chronicorum *Scyllam* offendit. Id apportat infortunii, *fluidorum* vitiis medendi nimia sollicitudo. Stagnantem sanguinem, quem fluento reddidisset opportuna *solidorum* cura, *alcalinis*, *fixis*, *volatilibus*, *salinis*, *terreis*, *oleosis*, irritantibus corrumpunt. Hic

acer factus, infelices infert morborum *successiones*; artis an opprobrio, an ludibrio artificis? hæc sunt *judicatoria non judicantia*, quò spectant *metastases*, *apostases*, multiformes morbi, ludentes, incerti, insidiosii. *Acido enim falso aut muriatico sub acutis facto sanguine*, vicarios se dant *chronici, splenici, melancholici, hypochondriaci & atrabilarii* morbi, morosi affectus, intractabiles, *ecchini toti*; quibus adulari dubium est, irasci periculosum; inipugnati enim validiùs, invalidiùs expugnantur.

## V.

**H**E U! Ergò de *fermentis* actum est; quantum luctus! viscera viduantur; quot funera! *fermentatio* jacet; quæ lachrymæ! sed has siccabit *triturs*; quas enim per ambages ac diverticula, obnubilaverat sanitatis & morbi causas operosa *fermentatio*, elucidat facilis & expedita *tritura*. Illa enim hujus laus est mira simplicitas, veritatis imago. *Secretionibus* (quibus stant functiones) *fermentatio* vacans, viscerum aditus, vias, atria sternebat *fermentis*, sua singulis (tot quasi genios familiares, quot olim januarum liminibus tutelares Deos) *fermenta* figens. *Secretiones* ferè dixisse opera *te- nebrarum* exercenda *lemuribus*. Aliunde, *fermentorum* posituras, indoles, nomina, formaturas lustraveris, omnia hæc instabiliora vento, versatiliora cardine, *Chamaeleone* mutabiliora reperies. *Tritura* verò æmula naturæ, opera mutat non consilia. *Tevendo* easdem *teris* vias, succum eundem, iisdem instrumentis. Tubulorum *pressiones* ubique sunt, verberatus, *oscillationes* ab uno fibrarum *elatere* natæ. In stomacho *chylus*, *bilis* in hepate, in pancreate *succus*, *urina* in renibus, in cerebro *lymphæ* laboratur, idem in radice *succus* est, *lymphæ* nimirum tenuata plùs minùs, dotata variè, diversimodè formata; illic *succosa*, hic *ferescens*; *tincta* modò, modò *limpida*; ibi *amarefscens*, *elacrescens* alibi; *sapida* aliàs, aliàs *insipida*. Hinc sua inesse salia sanguini arguis? tantùm observaveris *saporos* liquores, extrà sanguinis orbitam, velut extraneos hospitari, expulsi debitos. Sed *de tramite in viam*. Ipsissima *lymphæ* est, quæ nutriendo rorat, quæ *perspirando* vaporat. Hæc *solida* madent, *fluida* vehuntur; sola omnibus prospiciens, solius *tritura* opus. Reipsà; *cibus* commolitus in ore, in æsophagò comminutus, *triturs* in ventriculo, eliquatur in intestinis; hic videas *primordia lymphæ*; quæ *secretionum* ut principium, sic meta est; has enim inchoat & finit omnes, non secùs ac totius corporis *œconomia* universitas. Intestinatorum *peristole* expressa, citata *mesenteris* hujusque glandularum pressu, sanguinem subit. Arteriarum *systole* tunditur, intrà ramusculorum *diametros* dispersita, divisaque rarefcit, vanescit in cute, vasorumque finibus aut capillamentis. Vitam ergò filum verè dixeris, *secretionum* enim filum est, pollicis *Parca* minùs quàm *triturs* pressu deductum. Vitam adhuc, si voles, vocaveris laborem, omnia enim in corpore laborant, *secretioni solida*, *fluida* secerni. Vivendi rationes ex *ritu* tenes, valendi leges ex eodem accipito; tuendæ sanitatis prima lex est, *cibus* opportunè datus. Opportuni nomine intelligis *cibatus* locum, & tempus; appositè; at ciborum qui tempore & loco conveniunt, *opportunitas* maxima, delectus. Hunc *tritura* definit, cùm *tritura* genus sit coctio. Opportuna ergò alimenta, quæ *ritu* facilia erunt. Secùs decreverat *fermentatio*. *Diffillationis* alluefacta aut *anlysi*, coctilia magis statuerat, quæ *fermentationi* paratiora erant. Hinc optima quæque, & ex animalium carnibus, maximè *jurulentis* præoptaverat, quod plus succi polliceri ferebantur. Evilerat enim prisca victus consuetudo, ciborum videlicet quos nonnullis exsuccos, iliberales & ignavos vocari placuit. Sed hos imperitia decepit, & ignorantia veri, hi enim succo potentiores sunt, friabiles enim cùm sint, frangique faciles aut resolvi, toti in alimoniam cedunt. Longè dissimiles, quos *fermentatio* nutritui parasset; hæc enim arte pessimà, plurimà sui parte, sæculentà videlicet, corpus defraudassent. Sed ecce, quò eos rapit insipientis gulæ cupiditas! ex alimentis, quæ sunt *fermentationi* aptiora seligunt, *carnium* (quas in deliciis maximè habent) tortis obliiti, quæ *fermentationi* tam parùm natæ sunt, ut illis solvendis *fermentum* invenire, *Corum album* reperire sit. Perperam ergò *super carniùm ollis sedentes*, olerum, &c. ufum, præ carnibus ridiculo habent. Clamat natura, cujusvis

familiae animalibus, (ut pote maximâ parte ruminantibus), hæc una edulia parati, Quomodo ergo, tot inter naturæ argumenta, carnariis hominibus nostris contigit tam sædè cæcutire! mirari cesses, talia non capit mens præoccupata carniæ cupidine aut illarum nidoribus offuscata: surdo canere est, palato nempe exfurdato, aut infans infatuato. saporibus. Cæterum quanti sit *tritura physiologicis* rebus & *diæticis*, ecce conspicuum est; multò pluris futuram esse *pathologicis* inconspicuum mox non erit. Castigandis morborum *ætiologiis* servire visa fuit, retexendis indicationibus videbitur profutura. Medentis curam præoccupaverant *fluida, solida* reposcunt. In illis *deprimendis*, *elixiviandis*, *edulcorandis*, grande verbum! *Depurandis*, huc usque sudatum est; in his mulcendis, leniendis, laxandis sedandis, vè quiescendum erit. Verbo, in illis, conjectando locaverat morborum sedes *fermentatio*, in his *tritura* digito monstrat. Quid autem, si immedicabilium ægritudinum causas indidem subodorari concederetur! An alicunde incrementi tantum Medicinæ alluxisset! In hanc spem adducunt nupera *specificorum* inventa. *Febres & Dysenterias*, quæ quondam medicationi obfudescerant, nunc illicò sanant *Cortex Peruvianus*, & *Brazilensis radix*. Miraris! In *fluidis* aut humoribus causas venabantur, quas in *solidis* specifica revelarunt. Hæc enim partium fibras & tonum firmando, nativæque restituendo *oscillationes* mederi, *tritura* docet. Eadem revelabit *purgantium* abusus, aut *purgantium* dolos & insidias. Tandem pessumdabit *Orgasmi*, *trita* dices interpretamenta? an popularia commenta? quibus ventos & plebeculam pascunt; *fluida* tamdiu quamdiu *fluidorum* fluctibus innixa; *solidescencia* tam parum, quàm *solidorum* basibus parum *solidata*. Rerum enim *trititè* indocti, in *deterendis* corporum succis tempus terentes, eliminandis, ut loqui amant, humorum ejectionis, *purgantia* devovent, quæ *determinationes* mutando, redigendo *directiones*, frangendo *impetus*, *insultus* evocando, revocando tandem *oscillationes*, maxime sanant. Sed ne extrâ oleas. *Carcinomatis* sola proficere *anodyna*, mulcentia, *narcotica* observatum est; talibus *solidorum* linimentis, hæc malorum furias eblandiri tantum hæcenus didicerant; quid autem si similes *terendo* vias, illas omnino cicurare doceret *tritura*? Illi tandem Medicinæ parti, quæ manu curat, *tritura* progressum spondet aut incrementum, cui enim solvendo non erit? Cur *turundis* aut *vulnere pressui*, tantâ curâ parcendum sit; cur ab *oleosis* & *pinguibus* tam sæpè abstinere juvet in *herpetibus*, *erysipelate*, &c. Cur *ulcera Dyscypulotica*, quæ balsamis, *mundificativis*, *Epuloticis*, *pulveribus* & *siccantibus* quibusvis exacerbata, *lotionibus* ex aquis aut succis herbarum mulcentibus & *anodynis*, cicatricem induendo miscerent, fugerat *fluidorum* systema; revelat dogma *solidorum*. Communis ratio est. Morborum partem plurimam expedit *solidorum* curatura, qui *fluidorum* Medicinam eluserant. Sed ex ungue Leonem. Hæc trititè; quæ bene multa sunt, interim plura adhuc, &c.

Ergo morbi à solidorum tritu.

Domini Doctores disputaturi.

M. Joannes Herment Medicus  
Regis ordinarius.

M. Stephanus Franciscus Geof-  
froy Regia Scientiarum Aca-  
demia Parisiensis, Regiaque  
Societatis Londinensis Socius,  
Lector & Professor Regius.

M. Franciscus Aignan.

M. Jacobus Fourneau.

M. Ludovicus - Franciscus Du-  
tal Pharmacia utriusque Pro-  
fessor.

M. Michael Ludovicus Renau-  
me de la Garanne Regia Scien-  
tiarum Academia Socius.

M. Joannes-Baptista Doye.

M. Urbanus Leaulté Pharmacia  
Professor.

M. Michael Pichonnat.

Proponebat Lutetiæ JOANNES - BAPTISTA - THOMAS  
MARTINENQ Parisinus, Baccalaureus Medicus.

Die Jovis 28 Jan. A. R. S. H. 1712. à sextâ ad meridiem.

Ex Typographiâ J. QUILLAU, Typ. Jur. Lib. Universitatis.